

**Uunga siunnersuut: Qarasaasiakkut akiliisitsisarnerup aqunneqarnera pillugu
Inatsisartut inatsisaat nr. xx, xx. xxx 2017-imeersoq**
(Ilinniartitaanermut, Kultureqarnermut Ilisimatusarnermut Ilageeqarnermullu
Naalakkersuisoq)

Saqqummiussissut

1. Siullermeerneqarnera

Pisortani akiliisitsisarnerup aqunneqarnerata nutarteriffiginissaanut pisariillisarneqarnissaanullu tunngavissaqalernissaq, peqatigitillugulu innuttasut suliffeqarfiilu atugarisaannik allangortitsinnginnissaq pitsanngorsaasoqarnissaalu siunnersuummi siunertarineqarpoq.

Akiliutigineqartartunut tunngatillugu assaannarmik suleriaatsit ikinnerulernerisigut pisortani pisariinnerulersitsinissat sipaarsinnaanerillu anguneqarsinnaanissaat siunnersuummi siunertarineqarpoq, pisortanilu oqartussaasuniit tunniunneqartartut aqunneqarluarsinnaanerulerlutik.

Aningaasat akiliutigineqartut tunniunneqartullu saniatigut akiliisitsisarnerup aqunnissaani assersuutigalugu akiitsulinnut akiligassiisarnerit, paasissutissat attuumassutillit kiisalu nukingisaarutitut allakkat pineqarput. Akiliisitsitsisarnerni maleruagassanut ilanngunneqartuni amerlanerni taaneqarsinnaapput pisiortorfinnut akiliuteqartarnerit aamma innuttaasut suliffeqarfiillu pisortani neqeroorutitut peqataalersarnerat peqataajunnaartarnerallu.

Siunnersuut aqqutigalugu pisortani oqartussaasut qarasaasiakkut akiliisitsisarnerup aqunneqarneranut atuinissaat pillugu Naalakkersuisut maleruagassiorsinnaalerput. Maleruagassat kommuninik isumaqatiginninniarnit pereerpata atortussanngortinneqassasut siunnersuutigineqarpoq.

Akiliisitsisarnerup aqunneqarnera digitaliusutut isigineqarsinnaassappat piumasaqaatinut minnerpaaffiliinerit pisortani aqutsisut malitassaat atorneqartussaassapput. Taamatut piumasaqaatinut minnerpaaffiliinerit pisortat akiliisitsisarnermut aqutsineranni assigiimmik ingerlatsisoqarnissaanut qulakkeerinnikkut pisortani oqartussaasunut isumaqatigiissuteqarfigisaannullu iluaqutaasussaavoq.

Qarasaasiakut akiliisitsisarnerup aqunneqarnera pillugu piumasaqaatitut aalajangersakkat imaanngilaq kikkunnit tamanit atorneqassasut. Qarasaasiakkut ingerlatsinermut

ikaarsaarnermi iluaqutissarsinissat anguneqarsinnaasannginnissat ilaatigut takussaasassaaq. Taamaammat akiliutigineqartut ilaat aamma oqartussaaffeqarfiit ilaat tamakkiisumik ilaannakuusumilluunniit mininneqarsinnaassapput. Tamanna aamma pisiortortarfinnut namminersortunut atuuppoq.

Taamatut oqaaseqarlunga siunnersuut Inatsisartuni suliarineqartussanngorlugu ingerlateqqippara.